

政記

履中至舒明

二




			二八六三五	和書門
一六	三	七	函	類
冊	架	號		

庫	文	閣	內	
三		二		和
九		八		書
函		六		
二	一	三		
架	冊	五	號	類

史傳載紀

內閣文庫	
番號	和 28635
冊數	16(2)
函號	139 139





日本政記

淺草文庫

履中沃皇

諱去來穗別仁德長子母盤之姬皇后在位六年壽七十葬百舌耳原陵

元年庚子春二月天皇即位都盤余號稚櫻宮以平

郡木兒蘇我滿智物部伊宮佛葛城圓執政

二年辛丑春以皇弟瑞齒別為儲貳生而駢齒故名

四年癸卯始置史官諸國記得失通四方志

六年乙巳春立草香幡按姬為皇后始置藏職因定

藏部三月天皇崩冬十月葬履中天皇

反正天皇

諱瑞齒別履中同母弟在位六年崩壽六十葬百舌耳原陵

元年丙午春正月天皇即位 秋立津野媛為皇夫人

又納其女弟弟媛木事女冬遷都河內丹比號柴

離宮

六年辛亥春正月天皇崩帝無嗣群臣議迎皇弟雄朝

津間稚子宿禰立之遜讓不許羣臣奉璽固請

允恭天皇諱雄朝津間稚子宿禰反正同母弟

元年壬子冬十二月天皇即位于遠明日香宮以群臣

固請也

二年癸丑春立忍坂太中姬為皇后稚野毛二泷皇子

女

三年甲寅帝有疾徵鑿新羅瘰厚賞遣歸

四年乙卯詔定姓氏帝憂姓氏混亂會內外百官詛盟

勿得詐冒

五年丙辰冬十一月葬反正天皇

八年己未納衣通姬為妃妃皇后妹帝聞其絕艷召之

以皇后不憚乃處之於河內茅渟宮數託游獵幸焉

二十三年甲戌春立皇長子木梨輕為皇太子

四十二年己亥春正月天皇崩冬十月葬允恭天皇

初皇太子好色通同母弟時盛夏帝御膳羹冰帝異

之命卜焉知有內亂不忍罪太子乃流皇女子伊豫

及帝崩淫虐益甚羣臣不服悉屬心於皇三子穴穗
太子知之聚兵欲襲殺穴穗穴穗備兵自衛太子慮
不克匿物部大前家穴穗從圍之太子自殺十二月
穴穗即天皇位遷居石上號穴穗宮

安康天皇 諱穴穗名恭第三子母忍阪大中姬
皇后在位三年為眉輪王所弒年五

八年 十六葬菅原
伏見野中陵

二年 乙未以中蒂姬為皇后初帝欲為母弟大泊瀨聘
大草香皇子妹幡拔使根使主諭旨大草香大喜獻
珠纒為信根使主私珠纒不進詐奏大草香拒命詞
意倨嫚狀帝大怒遣兵殺之其臣日香牧灰之取幡

檢配大泊瀨又取其妻中蒂姬為妃遂為皇后

三年 丙申秋八月天皇幸山宮暴崩初皇后為大草香

妃生眉輪王及入宮從養宮中帝在山宮閣上謂右

曰朕雖愛汝獨眉輪令於心耳眉輪時已七歲戲閣

下聽之伺帝醉臥刺而弒之大泊瀨皇子聞變疑諸

兄所為即擐甲執兵馳至逼母兄八鈞白彥問故不

答大泊瀨拔刀斫之又問次兄境黑彥又不答亦欲

殺之黑彥懼與眉輪亡匿大臣葛城圓第大泊瀨圍

之第焚之誅眉輪殺黑彥又殺市邊押磐御馬二皇

子市邊履中子初帝立大泊瀨為嗣又愛市邊欲立

之大泊瀨啣之故殺之冬十一月大泊瀨即天皇
位于泊瀨朝倉遂都焉

雄略天皇

諱大泊瀨幼武元恭第五子安廉同母弟在位二十三年崩壽六十二年

丹比高鷲陵

元年丁酉春立草香幡梭姬為皇后以平郡真鳥為

大臣大伴室屋物部目為大連真鳥木兔子室屋武

以子也

三年己葬安康天皇

六年壬寅令諸國植桑救右妃躬桑勸蠶事

七年癸卯以吉備田狹為任那國言又遣其子弟君仗

新羅田狹據任那反

六年甲辰高麗與新羅相攻新羅乞援於任那日本府

府帥遣兵擊大破高麗兵

九年己帝以新羅久不朝貢欲親征之不可乃遣紀

小弓小鹿火蕪我韓子等將師代征大破新羅新羅

主出國都走聚餘眾復振我將帥不和軍失利會小

弓病率我軍引返

十二年甲申始起樓閣

十四年庚戌吳人來聘貢吳織漢織先是敕遣使索工

至是帶來根使主罪露伏誅救雪大草香部冤案

日香蚊子孫旌其死義

十八年甲寅遣物部菟代目勳伊勢賊菟代逗留不進

目奮戰獲其渠帥救奪菟代采地賜於目

二十年丙辰高麗滅百濟殺其王及王子詔立王弟汶

洲為王賜之久麻那利地國復

二十二年戊午春立皇三子白髮為皇太子秋遷丹

波豐受大神祀於伊勢山田曰外宮

二十三年己未百濟王汶洲卒詔邊昆支王子末多為

王賜兵器發筑紫平護送之別遣舟師擊高麗

秋七月天皇崩帝初生神光滿殿長而雄果既定內

難峻利御下喜殺數游獵親殺猛獸羣下不能做者

誅之喜怒不測至采女入宮者泣求免嘗遣吉備田

狹守任那奪其妻致田狹反然性明決時納善言末

羊尤留心政治第三皇子生而白髮性仁愛帝異重

之立為儲武帝大漸召百僚與訣殊詔大連大伴室

屋及東漢掬輔弼太子星川王田狹氏所生也帝知

其心懷悖逆使善備之終崩于大殿星川王據大藏

宮及室屋掬奉太子率兵圍宮誅王母子

清寧天皇

諱白髮武廣國押惟日本根子推略第三子母韓媛大臣葛城圓女在位

五年崩壽四十一葬阪戸原陵

元年庚申春正月天皇即位于甕栗宮遂都焉 冬十

月葬雄略天皇

三年壬戌秋遣臣連諸國巡察風俗 冬詔罷獻狗馬

器玩 宴臣連賜綿帛 是歲春立履中天皇孫億

計王為皇太子初雄略帝害市邊皇子誘與獵射殺

之皇子有二子曰億計曰弘計帳內日下部使主與

其子吾田彦奉逃於播磨縮見使主恐事顯自縊死

吾田彦教二子變名為縮見屯倉首家僮會播磨國

司小楯徵貢宿首家弘計欲告實伸屈億計以為不

可已而酒酣首命二子歌弘計决意因歌示意小楯

驚拜命築宮處之因馳奏帝喜曰吾憂無子此天賚

也乃遣小楯迎而立之以弘計為皇子

四年癸亥春正月宴海外諸蕃使於朝堂前年入貢者

也 秋八月帝親錄內從 蝦夷隼人並行附 九

月帝御射殿敕百僚及諸蕃使射賜物有差

五年甲子春正月天皇崩 皇太子讓位於弘計曰微

君决策吾不至此有功者宜享其祿弘計稱先帝命

不從於是太子姊飯豐皇女垂簾聽政 冬十一月

葬清寧天皇 飯豐薨太子與羣臣勸進不聽

顯宗天皇 諱來日稚子稱弘計履中孫市邊皇子母黃姬在位三年崩壽三十八

葬磐杯
丘陵

元年丑春正月天皇即位于飛鳥八釣宮以大臣等
復固請以皇兄億計王為儲君立難波十波媛
為皇后邨稚子王女二月詔索市邊皇子葬處親
幸近江蚊屋野得之改葬焉
三年卯夏四月天皇崩帝久在民間知百姓疾苦及
即位薄賦斂恤貧窮歲比稔粟斛直銀錢一文海內
殷富

仁賢天皇

諱大脚稱億計顯宗同母兄在位十
一年崩壽五十一葬壇生阪本陵

元年

戊辰

春正月天皇即位于石上廣高宮二月立

春日大嬢為皇后雄略帝女冬十月葬顯宗天皇
二年巳秋皇太后崩右嘗侍宴先帝無禮於帝及帝
即位懼自殺

六年癸酉遣使高麗求工匠

七年

甲戌

春立皇子小泊瀨為皇太子

十一年戊寅秋八月天皇崩帝聰敏仁恕史稱其職民
安其業戶口滋殖初顯宗即位欲發雄略陵以報父
仇帝諫曰如先帝之恩何乃止冬十月葬仁賢天
皇十一月皇太子誅平郡真鳥真鳥專政四朝陰
圖不軌佯稱為太子築宮遂自居焉其子銷又無禮

於太子太子夜幸夫伴金村宅發兵要捕於途獲之
遂聞真鳥第焚殺之十二月皇太子即天皇位于
泊瀨列城遂都焉

武烈天皇 諱小泊瀨稚鷦鷯仁賢子母春日大
娘皇后在位八年崩葬傍止磐杯北

元年巳卯春立春日孃子為皇后

六年甲申百濟入貢先是百濟王末多暴虐國人弑之

立其族斯麻至是來貢帝以其久闕貢拘留使者

七年乙酉百濟更使其族斯我來貢

八年丙戌冬十一月天皇崩帝好刑名日昃視朝聽決

訟獄善為鈎鉅發奸摘伏無所失諸慘刑必親臨視

至割孕婦胎解人指甲使堀暮蒞使人緣木親射墜

之廣苑囿數游獵縱酒漁色橫征暴斂天下苦之

繼體天皇 諱男大迹應神五世孫父彥主人母
振媛在位二十五年崩壽八十二葬

藍野 陵

元年丁亥春二月天皇即位于山背樟葉宮初應神帝

四世孫彥主人王在近江三尾納三國坂中并人女

振媛為妃生帝王薨帝養於母家及長有失度禮賢

後土武烈帝崩無嗣大連太伴金村與羣臣議求皇

以迎仲哀帝五世孫和彥王於丹波和彥望見儀仗

懼而逃匿是歲正月金村及大臣巨勢男人大連物部麤鹿火等更議迎帝於三國帝據胡牀列臣僕見之使者敬憚傾心帝猶豫未就道會河內荒籠者潛遣人具白臣連奉迎無他意帝即發至宮即位臣連如故召荒籠賞之三月立手白香媛為皇后仁賢帝女 詔戒百僚及庶民並力農桑禁游手浮食二年^{子戊}冬十月恭武烈天皇三年^{丑巳}檢百濟民逃在內地及任那者量歸百濟尋賜筑紫馬四十匹於百濟五年^{卯辛}遷居山城箇城後遷第國終遷大和磐余曰

玉穗宮 七年^{巳癸}夏徵五經博士段楊爾於百濟至附奏伴跋

國奪已汶地冬詔新羅伴跋使返之十二月立皇

庶長子勾大兄為皇太子

十六年^{寅壬}梁使司馬達來

二十一年^{丁未}夏遣近江毛野將兵六萬赴任那復新

羅侵地筑紫國造磐井受新羅賂據火豐三國以遏

王師秋以大連物部麤鹿火為大將赴援聽便宜行

事

二十二年^{戊申}冬物部麤鹿火與賊戰御井大破之誅

磐井遣使新羅新羅奉約
 二十三年^西已任那王誦新羅背約詔遣近江毛野和
 解諸蕃毛野綏御失方救召返之
 賴襄曰國朝之服三韓洵不世之功也然爾後我
 所以為務者在於三韓闕貢則不得不責責而不
 服則不得不伐如騎虎之勢不可中下是以上古
 之史三韓之事居半焉當其時蓋將卒疲於奔命
 農民困於糧餉敵國內以事外夷可知也是豈為
 計之得者哉是故日羅之答敏達帝也論內外之
 本末言戰守之得失有見於此爾雖然揆之時勢

有不可槩論者當神功應神之際吾國風氣未全
 開士女金帛之豐備或不及三韓而兵卒之勇悍
 則不啻過之故吾用我兵卒而收彼之金帛所以
 多而所用寡已納其貢獻又役其人丁故稱百濟
 為內官家者猶曰我外府也當是時所失少而所
 得多及至其後我風氣已闢九百民用無須於彼
 而仍襲前代之故則所得少而所失多復任那扶
 百濟如既富之家而猶經紀舊屬之小戶其事雖
 義其志雖殷內自罷敵而無益於彼故曰不可槩
 論也雖然當其初也置府任那臂使三韓易置百

濟之主如奕棊然何其盛歟而何脩以致之曰上
下同心國如一人而處置外國足服其心是已嗚
呼後之有國者可不必冀其盛當學所以致之也
二十四年庚戌詔舉廉節之士曰禍亂略平外無虞
年穀比登恐吏民因此習貪婪生奢侈其舉廉節務
清政治

二十五年辛亥春二月天皇疾病傳位皇太子而崩

冬十二月葬繼體天皇

安閑天皇諱大兄繼體庶長子母日子媛在
位二年崩壽七十葬古市高屋陵

元年甲寅春正月天皇即位于勾金橋宮三月立看

日山田媛為皇右仁賢帝女

二年乙卯春大酺冬十二月天皇崩帝有人君之量

在位間上下殷富無嗣群臣以皇弟武小廣為人爽

朗謙和宜立定議奉之是月葬安閑天皇

宣化天皇諱武小廣國押盾安閑同母弟在位
四年崩壽七十三葬桃花鳥阪上陵

元年丙辰春正月天皇即位遷居於隈廬入野二月

以蘇我稻目為大臣三月立橘中姬為皇右仁賢

帝女夏修諸國屯倉備凶荒秋大連物部麤鹿

火薨

二年丁卯新羅侵任那詔大連大伴金村遣其二子磐

狹手彥援之磐留鎮筑紫狹手彥赴任那府
 四年^{己未}春二月天皇崩帝無嗣群臣定議迎立繼體
 帝嫡子天國押開冬十一月葬宣化天皇
 月天國押開即天皇位

欽明天皇

諱天國押開廣延繼體嫡子母手白皇后在位三十二年崩葬檜隈阪合

陵

元年^{庚申}春正月立石姬為皇后秋七月遷居敷島
 號金刺宮大連大伴金村大臣獲我稻目并如故以
 物部尾輿為大連是歲高麗百濟新羅任那蝦夷
 隼人竝入貢檢秦漢及諸番投化者七千餘戶編

貫諸國

二年^{辛酉}詔任那與百濟謀復新羅侵地

四年^{癸亥}百濟獻扶南貨財及人口

七年^{丙寅}賜良馬戰船於百濟

九年^{戊辰}高麗攻百濟我遣兵援擊卻之城得爾辛

十二年^{辛未}賜麥種一千斛於百濟百濟伐高麗復其

侵地

十三年^{壬申}百濟獻佛像經論大臣獲我稻目奏請受
 之百濟附表稱述佛功德帝下羣臣議稻目請受而
 禮之物部尾輿中臣勝海同奏國家宗廟百神載在

祀典別禮蕃神恐有譴怒帝乃賜佛像於稻目稻目捨其向原第奉之是歲諸國大疫尾輿等奏請燒寺沉佛像於堀江是歲百濟奔其平壤漢城新羅入居之

十四年癸酉冬百濟鑿卜曆算等博士遞番來我且附

送藥物

十五年甲戌春立皇二子淳中大珠敷為皇太子秋

遣丹臣援百濟伐新羅拔函山城初百濟王伐新羅

復其故地漢城平壤新羅通謀高麗攻取之百濟請

援於我故有是役

十六年乙亥百濟王聖明為新羅所殺王子餘昌遣其

弟惠來赴

十七年丙子發筑紫舟師護送使者遣筑紫火君率兵

守彌代津立餘昌

二十二年庚辰新羅使者入貢班之百濟使人下

二十三年壬午新羅滅任那毀我官府秋新羅貢調至

拘留之以紀男磨呂為大將率兵討新羅破其軍其

別將輕進失利軍士伊企儼為虜所擒誘降不屈罵

虜而死以太伴狹手彥為大將軍率兵數萬援百

濟伐高麗大破之入其都城

三十一年庚寅高麗使來

三十二年辛卯春遣使新羅詰其滅任那狀夏四月

天皇崩帝有疾召皇太子入臥內執其手曰朕欲征

新羅復任那不果汝繼朕志帝性慈仁新墾田賑給

貧民立為定制以四月中巳日祭加茂神武廟已而

有年遂為永制秋九月葬欽明天皇

敏達天皇諱淳中倉木珠敷欽明第二子母石

元年壬辰夏四月天皇即位于大井宮以菟我馬子

為大臣與大連物部守屋並輔朝政馬子稱日子守

屋尾與子也

四年乙未春立皇媛為皇后冬皇后崩是歲遷居

譯語田曰幸玉宮

五年丙申春立豐食炊屋媛為皇后

九年庚子新羅貢調卻不納

十一年壬寅新羅貢調又卻不納

十二年癸卯冬百濟使者德爾有罪伏誅初我葦北國

造阿利斯登在任那生子日羅居百濟帝聞其才

教百濟徵之諮以討新羅復任那之策日羅曰服夷

之道在土養國本何必動凶器事末節為當今高上

自臣連二造國造伴造下至小吏節用薄斂計士教民結以信義三年食足兵足然後多造舟艦列置海津大張聲勢使韓人見之乃送才辨士使諸蕃明示恩威召其國王國王不來召其佐平王子先服其心而問其罪百濟護送官猜其言國陰事留德爾刺殺之救收德爾鞠問其服賜之日羅宗族誅之

十四年乙巳春大疫初獲我馬子信佛建寺塔第中師高麗僧惠便及梁人司馬達及其女善信尼等設齋會物部守屋中臣勝海奏劾其信妖法惑民致崇請燒寺塔逐善信等馬子憂懼成疾懇請禱佛帝曰汝

獨為之勿惑他人乃返與善信等馬子喜復精舍而深啣守屋等秋八月天皇崩九月立異母弟大兄皇子即天皇位母獲我氏遷居磐余號池邊雙槻宮

諱橘豐日欽明第四子母獲我堅鹽媛在位二年崩葬磐余池上陵

元年丙午春立穴穗部媛為皇后夏五月誅三輪逆二年丁未春帝病皇子厩戶侍側祈佛誦經帝因欲歸佛以其無例召群臣議物部守屋中臣勝海曰舍國神而祈蕃神不可獲我馬子曰且從獻旨即延僧豐國入內厩戶握馬子手泣曰非大臣歸心福田誰成

今日事馬子叩頭曰殿下務興佛法臣以死守之守屋睥睨二人意色俱惡厩戶謂左右曰大連昏因果之理禍今且至馬子遂與厩戶謀殺守屋先令舍人迹見赤擣伺間擊殺勝海守屋乃退居阿都備兵自衛夏四月帝崩繼嗣未定守屋欲立允穗皇子馬子遣兵殺皇子遂圍守屋澁川第河內守屋築稻城拒卻之時厩戶年十六束髮置四天王像于項與馬子整軍復進破之赤擣射殺守屋守屋眾潰闔族亡於是建寺安天王像收守屋田宅資財悉施捨焉分田一萬頃賞赤擣秋七月葬用明天皇八月馬子奏

炊屋媛立皇弟泊瀨部即天皇位母蘓我氏居倉梯

宮

崇峻天皇

諱泊瀨部欽明第十二子母蘓我小姊若在位五年為蘓我馬子所弑年

七十二葬倉梯岡陵

元年戊申蘓我馬子為大臣如故建法興寺

二年己酉詔遣使觀察東北諸道

四年辛亥夏四月葬欽達天皇冬詔遣紀男磨呂為

大將軍將兵二萬屯筑紫遣使於新羅新羅行成遂

復任那

五年壬子蘓我馬子驕暴益甚帝疾之謂厩戶皇子曰

馬子內恣私欲外飾佛法朕不能堪如何答曰陛下
唯忍耳冬十月有獻山豬者帝指謂左右曰孰能斫
朕所疾如斫此豬頭官女失寵者聞之以告馬子馬
子懼謀先發厩戶居間兩知其情憂念累日十一月
乙巳馬子使漢直駒弑帝於寢殿事起不意羣臣擾
亂馬子命殺數人乃定厩戶哭曰是帝過去報也是
日葬崇峻天皇十二月立皇十弟額田部即天皇位
于豐浦宮母換我氏立厩戶爲皇太子馬子厚賞直
駒直駒負功不羈通馬子女馬子怒縛直駒庭樹自
射殺之曰是弑君之賊吾爲行誅厩戶聞之曰雖有

此誅換我氏弑君之名千載不可雪也然善遇馬子
不忤其意

賴襄曰儒學與佛說皆自外國來者無擇也而佛
說一入吾國有好之崇之以易君父者何哉儒學
敘人倫平易無可喜其文雖外來而其實固在我
不如佛說之新異宏濶勝夫足聳人聽也吾嘗讀
三韓之史其君之惑於佛說以致亂亡者皆是吾
邦未至如彼也而有酷肖焉者夫人臣行弑逆開
闢以還所無可謂天地之大變矣而諉之過去之
報幾乎三綱淪而九法斃矣厩戶智慧過絕人姑

爲太子以屬人望其志在異日即真擅乎天下而倚於馬子之勢馬子與大連相軋欲除之而自逞亦尚太子以濟其姦而皆藉於佛說遂致誦咒媿典禮堂塔塗膏血王業之衰大端在此三善清行之所言可以驗焉雖然清行特言其費而已不知其顛倒是非混淆善惡烈於洪水猛獸之害姦雄之人每籍之以解其心下及北條足利之崇禪教莫非宗此旨也我邦君臣之義度越萬國而西竺之說壞之歸之於土灰沙塵而止焉而開其端者厩戶馬子也可勝慨哉千載之下獨織田氏斷然

不惑庶幾匡正祖宗之國者矣是以今之佛說行於愚夫愚婦而爲人上者之信之不至如古昔之太甚是我邦之幸也焉知非祖宗佑之冥冥之際也耶舊事之記出於厩戶之手蓋亦有錯亂事實以資自便者不可不察也

推古天皇

諱額田部稱炊屋姨欽明女用明同母妹母蘇我氏大臣稚目女在位三

元年

癸丑

詔皇太子攝行萬機蘇我馬子爲大臣如故

秋九月改葬用明天皇

二年

甲寅

皇太子建四天王寺于難波

三年^{乙卯}詔皇太子與諸蕃僧講論佛經于御前賜鑿磨水田一百町倍給東宮俸

八年^{庚申}新羅侵任那遣境部臣等將兵萬餘討新羅拔五城復侵地

十年^{壬戌}新羅復侵任那以來日皇子為征新羅將軍率兵討新羅

十一年^{癸亥}來日皇子至筑紫病薨詔當麻皇子代往不果行

十二年^{甲子}春正月始用曆日賜冠位於羣臣冠六品曰德仁禮信義智各有大小凡十二階改制朝禮須

憲法十七條

十三年^{乙丑}詔皇太子造銅繡丈六佛像各一高麗獻黃金三百兩

十五年^{丁卯}秋遣大禮小野妹子於陪

十六年^{戊辰}夏隋使裴世清與來秋以妹子為大使

難波雄成為小使率學生高向玄理學問僧南淵請安及僧旻等與世清俱如隋

十七年^{己巳}秋妹子等至

二十六年^{戊寅}高麗朝貢獻隋俘

二十八年^{庚辰}敕皇太子大臣換我馬子等撰天皇紀

國紀及臣連伴造國造等百八十部

二十九年辛巳春皇太子厩戶薨諡曰聖德太子所建

寺四天王法隆法興等九十一所諸臣競做之有寺

凡四十六所僧尼凡一千三百八十餘人

三十一年癸未新羅復侵任那遣大德境部雄麻呂等

將兵伐之新羅降是歲自春至秋霖雨大水土穀

不登

三十二年甲申置僧正僧都檢校僧尼不法

三十四年丙戌大飢盜賊起夏五月獲我馬子薨

六月雪以獲我蝦夷為大臣

三十六年戊子春三月天皇崩秋九月葬推古天皇

獲我蝦夷心境部摩理勢立田村皇子為嗣帝臨崩

召故皇太子子山背王囑後事蝦夷矯遺詔欲立田

村羣臣莫敢異議獨摩理勢等不可故殺之

舒明天皇

諱息長足日廣額稱田村敏達孫父
押阪彥人失兄皇子母糠手媛在位

十三年丙寅春立寶媛為皇右

元年己丑春正月天皇即位獲我蝦夷為大臣如故

二年庚寅春立寶媛為皇右冬遷居飛鳥岡號岡本

宮是歲遣大仁大上田耜於唐

三年辛卯白濟王義慈使其子豐璋來質於我



日本正言 卷之二

四年^{壬辰}御田耜至唐使高表仁與來

五年^{癸巳}表仁歸遣吉士雄磨呂送至對馬

八年^{丙申}夏岡本宮災遷居田中宮

九年^{丁酉}蝦夷反以大仁土毛野形名爲將軍討平之

十二年^{庚子}大設齋會講無量壽經于宮中 是歲遷

居百濟宮

十三年^{辛丑}冬十月天皇崩葬舒明天皇

